



MAFIJA Razbijena kriminalna grupa u Zenici

PRONAĐENO STOTINE PASOŠA I DROGA



Tri osobe uhapšene • Krijumčari isprava, narkotika i oružja iz BiH dovode se u vezu sa zloglasnim „škaljarskim“ i „kavačkim klanom“ iz Crne Gore • Pretresene četiri lokacije u Zenici • Iz policije štire informacije

Tri osobe su uhapšene tokom jučerašnje akcije u Zenici, a za jednom se još traga. Na meti OSA-e, SIPA-e i MUP-a

ZDK bili su krijumčari isprava, narkotika, oružja.

Pretresene su četiri lokacije, a uhapšene osobe povezuju se sa zloglasnim „škaljarskim“ i „ka-

vačkim klanom“ iz Crne Gore, saznaje „Avaz“.

Prilikom pretresa pronađene su stotine krivotvorenih dokumenata.

3. strana

MAFIJA U munjevitoj akciji "Viza" razbijena kriminalna grupa u Zenici



Uhapšeni su Denis Šišić, Senad Dervišević i Kristijan Miljević, a za još jednom osobom se traga ● Policajci oduzeli falsificirane dokumente i drogu

U akciji kodnog naziva "Viza" jučer su u Zenici uhapšene tri osobe zbog sumnje da su rasturali drogu, oružje i krivotvorene dokumente.

Kako saznaje 'Avaz' privedeni su Denis Šišić, Senad Dervišević i Kristijan Miljević, a za još jednom osobom, čiji je identitet poznat organima gonjenja, tragalo se do zaključenja ovog broja našeg lista.

Zametnuli tragove

U akciji koju su munjevito izveli pripadnici **Državne agencije za istrage i zaštitu (SIPA)** i Ministarstva unutrašnjih poslova Zeničko-dobojskog kantona (MUP ZDK), izvršeni

Ubistvo Božidara Cicmila

Ovo nije prvi put da se crnogorska i srbijanska mafija povezuju s BiH. Ubice Božidara Cicmila, porijeklom iz Crne Gore, vlasnika mostarske firme "Moj taksi", koji je ubijen 2015. u Mostaru, još nisu identificirane. Sum-

RAT između „škaljarskog“ i „kavačkog klana“ traje od polovine 2014., kada su nekadašnji prijatelji zaratili zbog nestanka 200 kilograma kokaina.

su pretresi na četiri lokacije u Zenici, a na jednoj od njih je bila i ekipa "Avaza". Riječ je o stanu u zgradi na Bulevaru Kulina bana kod hotela "Internacional".

Policajci, koji su iznosili određene dokaze, nisu dozvoljavali prilazak novinarima.

Kako saznajemo, sve se odigralo pod budnim okom Obavještajno-sigurnosne

njalo se da su nalogo-davci iz Crne Gore ili Srbije.

Cicmil se spominjao kao svjedok na suđenju Nikšićaninu Ivanu Vračaru, koji je ubio najbližeg saradnika Darka Šarića.

agencije (OSA), koja je danima pratila osumnjičene.

Izvor blizak istrazi otkrio nam je da se uhapšeni povezuju sa zloglasnim "škaljarskim" i "kavačkim klanom" iz Crne Gore. Isti izvor otkrio nam je da su tokom pretresa oduzeli na stotine krivotvorenih dokumenata, prije svega lažnih pasoša stranih zemalja. Istražitelji sumnjaju da su crnogorski kriminalci kupovali lažne dokumente od Bosanaca i koristili ih za prelazak granice kako bi zametnuli trag i lakše obavljali svoje poslove.

Oduzeta droga

Češljanjem objekata pronađena je i veća količina droge, ali budući da je istraga u toku, iz nadležnih institucija izdali su šturo saopćenje.

Luka Miladinović, potporučnik **SIPA-e**, kratko je za "Avaz" potvrdio da se radi o krijumčarenju širokog spektra, od krivotvorenja isprava, dilanja droge pa do šverca oružja.

M. AŠČIĆ – A. KAPO

Škaljarski klan

1 OD POČETKA SE BAVE ŠVERCOM DROGE, A ZA NJIH SE VEŽUJE I OTIMANJE LOKALA OD OSOBA BLISKIH DARKU ŠARIĆU

Kavački klan

2 BAVE SE RAZLIČITIM KRIMINALNIM RADNJAMA – PRODAJOM DROGE, ZELENARENJEM, KRAĐOM VOZILA I ORUŽJA TE UBISTVIMA